

Nias - Te'Orifi Mbuku Ni'amoni'ö - Salvation Scriptures

Efeso 2:2 Me luo da'ö no mi'o'ö huku si to'ölö ba gulidanö andrö; eluahania no mi'o'ö wamatörö zokhö fa'abölö ba dalu mbanua, ya'ia geheha si so iada'e sondrönindrönisi tödö niha si lö omasi molo'ö khö Lowalangi.

Matai'o 6:10 a'ugö Razoma. Ya'ugö zamatörö ba gulidanö, ba somasi Ndra'ugö nifalua si mane ba zorugo.

Loeka - Luka 22:42 Ibalöduhini danö ba mangandrö la, Imane, "He Ama, na tola, Ö'aröu'ö moroi khö-Gu wamakao andre. Ba böi ya'itörö zomasi-Do, ya'alua ba zomasi'Ö, Ama!"

Yohane 16:7-9 Sindruhu niwa'ö-Gu khömi: abölö sökhi ba khömi, na mofanö Ndra'odo; börö na lö mofanö Ndra'o, lö möi khömi Zanolo andrö. Ba na mofanö-Do, Ufatenge la khömi. 8 Ba na tohare la, l'otu'ö niha gulidanö dania wa no fasala wangerangerara sanandrösa ba horö; awö wangerangerara sanandrösa ba zomasi Lowalangi, awö huku soroi Lowalangi. 9 Fangerangerara sanandrösa ba horö no fasala börö me lö faduhu dödöra khö-Gu.

Dimoteo II. - 2 Timoteo 2:10 Da'ö mbörö wa utaha manöfefu da'ö me soguna ba niha si no Ituyu Lowalangi. Utaha fefu da'ö ena'ö lasöndra göi wangorifi si so ba khö Yesu Keriso, ya'ia wangorifi same'e fa'ohahau dödö irugi zi lö aetu.

Roma 15:20,21 Ohitö dödögu ya'ia wanuriaigö Turia Somuso Dödö soroi Lowalangi ba nahinahia si lö nasa samondrondrongo turia Keriso. Börö me lö omasi ndra'o u'otomosi halöwö ba danedane nibe'e niha bö'ö. 21 No tesura ba Mbuku Ni'amoni'ö, "La'ilä dania niha si lö irai mamondrongo turia-Nia; ba aboto ba dödöra zi lö irai larongo."

Halöwö - Halöwö Zinenge Loeka 2:36,37 Da'ö wa lö tola lö'ö la'ilä fefu niha Gizera'eli wa Yesu niforöfami andrö no Yesu nifabu'u Lowalangi si tobali So'aya ba Razo Sangorifi!" 37 Oi awakhöwakhö dödö niha samondrongo da'ö. Lasofu khö Wetero awö khö ndra sinenge bö'ö, lamane, "Hadia nilauma, talifusö?"

Heberaio - Heberai'o 4:2 Börö me Turia Somuso Dödö andrö no la'ombakha'ö khöda si mane khöra. Ba ba khöra, turia andrö lö hadöi mo'ölö. Börö me inötö larongo, ba lö faduhu dödöra.

Jeremia - Yeremia 24:7 - Matai'o 22:37 Imane, "He Guru, heza goroisa sabölö ebua bakha ba huku agama?" 37 Itema linia Yesu, "Omasi'ö Zo'aya Lowalangiu, moroi si'aikö ba dödöu, awö nosou ba era'erau ma'afefu.

Halōwō - Halōwō Zinenge Loeka 16:14 Samösa ba gotaluara zaniaga nukha sobowo doru, sotöi Lidia soroi Diatira. Sangomasi'ö Lowalangi ia, ba l'o'ou ia So'aya ena'ö itema'ö hadia nifahaö Waulo khönia.

Matai'o 13:14-16 Ba zi manö alua nifa'ele'ö Yesaya andrō sanandrösa khöra, 'Mirongo dania faoma tögi dalingami, ba lö aboto ba dödömi; mifaigi dania faoma hörömi, ba lö mi'ilä. 15 Börö me no afuru gera'era dödö niha da'e, no afiso dögi dalingara, ba höröra no lakifu'ö. Na tengä si manö, tatu la'ilä höröra, ba larongo tögi dalingara, ba aboto ba dödöra. Imane Lowalangi, möi ira dania khö-Gu, ba Ufadöhö ira.' " 16 Itohugö wanguma'ö Yesu khö ndra nifahaö-Nia, "Ba ha wa'amoharazaki ami! Börö me mi'ilä hörömi, ba mirongo tögi dalingami.

Jesaja - Yesaja 6:9,10 - Halōwō - Halōwō Zinenge Loeka 28:27 Börö me no abe'e dödö soi andre, no laduhö dögi dalingara, ba no laduhö höröra. Imane Lowalangi, na tengä si manö, tatu la'ilä höröra ba larongo tögi dalingara aboto ba dödöra ba mangawuli ira khö-Gu, ba Ufadöhö ira.' "

Mareko 4:11,12 Imane khöra Yesu, "No mube'e khömi wa'aboto ba dödö ba wang'iila si tobini sanandrösa khö Lowalangi ba famatörö-Nia. Ba ba niha baero te'ombakha'ö faoma amaedola, 12 ena'ö 'Lanehegö sindruhundruhu, ba lö sa la'ilä hadia zalua. Lö aetu larongorongo tögi dalingara, ba lö aboto ba dödöra, ena'ö böi la'ilä ba böi aboto ba dödöra, ena'ö lö möi ira khö Lowalangi ba l'efa'ö horöra Lowalangi.' "

Yohane 12:39,40 Da'ö mbörö wa tebai faduhu dödöra, börö me no imane göi Yesaya, "Imane Lowalangi, 40 'Ufobalunö höröra, ba U'ogömigömisi gera'erara; irege lö mangila höröra, ba lö teboka gera'erara. Ena'ö lö mangawuli ira khö-Gu, fa böi Ufadöhö ira.' "

Roma 11:7,8 Tobali, hewisa? Lö lasöndra hadia ni'aluira banua Gizera'eli. Lö ato zanöndra, ha mato ma'ifu niha si no Ifili Lowalangi. Oi abe'e högö danö bö'ö andrō ba wogaoni Lowalangi ya'ira. 8 Börö me no tesura bakha ba Mbuku Ni'amoni'ö, "Ibali'ö si lö era'era ba si lö tödö ira Lowalangi; ba irugi da'e lö la'ilä höröra ba lö larongo tögi dalingara."

Desalonika II. - 2 Tesalonika 2:10,11 l'oguna'ö dania fefu ngawalö walimosa ba wamaelungu niha sedöna tekiko. Nihuku ira dania börö me lö latema awö wa lö omasi ira duria sindruhu andrō si otarai Lowalangi sangorifi ya'ira. 11 Da'ö mbörö wa Ifa'aso khöra Lowalangi wa'abölö samaelungu, irege faduhu dödöra ba zi lö duhu andrō.

Matai'o 13:18-23 "Mihaogö wamondrondrongo eluaha gamaedola zamazaewe tanömö andrō. 19 Tanömö saekhu ba lala, no amaedola niha samondrondrongo turia Lowalangi ba famatörö-Nia, ba lö aboto ba dödönia. Tohare Gafökha ba irabu zi no mufazaewe andrō bakha ba dödöra. 20 Tanömö saekhu ba zokarakara, amaedola niha

samondrongo turia andrö ba itema tödönia si fao fa'omuso dödö. 21 Lö abakha ba dödöra duria andrö, irege lö anau gölö. Na göna ira famakao ba fa'afökhö börö duria andrö, i'anema'ö mangawuli furi. 22 Tanömö saekhu ba gotalua za'asa'a mao, hulö niha samondrondrongo turia andrö, ba hisa la'abusi tödö wa'aurira börö me omasi ira fahöna khöra. Börö da'ö turia si otarai Lowalangi andrö tolazi bakha ba dödöra irege tebai mowua. 23 Ba tanömö saekhu yaña ba danö satabö, amaedola niha samondrongo turia andrö ba aboto ba dödönia. Ba oya mowua ira, so zi otu kali fabali, so zi öönö ngafulu kali, ba so göi zi tölu ngafulu kali fabali mbuania."

Gorindro II. - 2 Korindro 3:15,16 He iada'e, na labaso mbuku Moze andre, ba no manö ibalugö wangerangerara balubalu andrö. 16 Ba na ifuli ia samösa niha khö Zo'aya, awena aheta mbalubalu andrö moroi ba mbawania.

Hosea 11:3-7 - Matai'o 11:28-30 Mi'aine khö-Gu, ya'ami fefu si no erege tödö ba wolohe noro sabua; Ufolombase ami. 29 Mi'o'ö niwa'ö-Gu awö wamahaö-Gu. No sebolo tödö ba si sökhi tödö Ndرا'o. Da'ö mbörö wa misöndra wolombase. 30 No sangomusoi'ö tödö wehede-Gu khömi, ba noro saoha nifalu'i'ö-Gu khömi."

Halöwö - Halöwö Zinenge Loeka 26:18 ba wamokai höröra, ena'ö laheta ira moroi ba zogömigömi ba möi ira bakha ba haga, ena'ö aefa ira barö wa'abölö Gafökha, ba ena'ö ifatörö ira Lowalangi. Ba wa'afaduhu dödöra khö-Gu te'efa'ö horöra ba tobali ira ndrotondroto mbanua Lowalangi si no mufili.' "

Dimoteo II. - 2 Timoteo 2:24-26 Lö tola lö ba wa'asökhi li ifahaö niha samadamadaö; ma sa'atö lbe'e ginötö ba niha da'ö Lowalangi ba wamalalini era'era moroi ba horöra ba ba wamotokhi ba dödöra wamahaö sindruhu. 26 Ba zi manö, aboto ba dödöra mangawuli, ba aefa ira moroi ba gu'ö Gafökha si no mama'ala ya'ira ba samaso ya'ira wolo'ö nilau dödönia andrö.

Wama'ele'ö - Fama'ele'ö chö Johane 3:17-19 Muhede ami, 'Kayo ndra'aga ba oi tobönö; lö hadia ia so'amböta ndra'aga.' Ba hisa, lö mi'ilä hewisa wa no seuba akaola ba sahakhö dödöda ami! Si numana ami, si lö nukha, ba sau'a. 18 Börö da'ö U'amenesi ami ena'ö mi'öli moroi khö-Gu gana'a, ya'ia da'ö sindruhu gana'a, ena'ö kayo ami. Mi'öli göi moroi khö-Gu nukha safusi ena'ö si so nukha ami ba tebalugö mbotomi si lö balubalu ba saila ita. Ba mi'öli göi daludalu nigule'ö ba hörömi ena'ö tola mi'ilä niha. 19 Niha somasi Ndرا'o, ya'ira nitegu-Gu ba nibözibözi-Gu. Andrö ya si terou tödö ami, ba mifalalini gera'erami ba horömi.

Gorindro II. - 2 Korindro 7:10 Börö me fa'abu dödö na dali Lowalangi ba

i'a'sogö wamalalini era'era ba wangorifi. Ba lö maniasa dödö niha ba da'ö. Ba zi tambai da'ö, fa'abu dödö dali gulidanö andre ba fa'amate.

1 Razo si Fõfõna 18:37 Jehowa, fondrondrongo, cna'õ aboto ba dödö soi andre, wa no ja'oegõ, Lowalangi, ja'oegõ Jehowa andrõ, awõ wa no ja'oegõ zamalalini era'erara!

Gorindro II. - 2 Korindro 4:4 Eheha si lö sökhi samatörö ulidanö da'e zombalugö fangerangera niha si lö famati. Ya'ia zomba'aba'agö ya'ira ena'ö lö la'ilä haga Duria Somuso Dödö sanandrösa ba lakhömi Keriso andrõ; si no khalakhala Lowalangi.

Loeka - Luka 8:11-15 "Da'e geluaha gamaedola andrõ: Tanömö andrõ no taroma li Lowalangi. 12 Tanömö saekhu ba lala no amaedola niha samondrongo taroma li. Tohare Gafökha ba irabu duria andrõ moroi bakha ba dödöra ena'ö lö faduhu dödöra ba ena'ö lö te'orifi ira. 13 Tanömö saekhu ba nahia sokarakara, no amaedola niha samondrongo taroma li ba sanema'ö faoma fa'omuso dödö. Ba lö mangabakha duria andrõ bakha ba dödöra. Lö anau gölö wamatira, na so wanandraigö, ba alio faröi ira. 14 Tanömö saekhu ba gotalua za'asa'a mao no amaedola niha samondrongo turia andrõ ba la'abusi tödö, omasi ira kayo awö wa'asana ba wa'auri ba gulidanö andre. Da'e fefu zolazi'ö ya'ira irege lö tesöndra mbua si sökhi moroi khöra. 15 Tanömö saekhu ba danö satabö, no amaedola niha samondrongo turia andrõ, ba la'irö'ö ia bakha ba dödöra si sökhi ba satulö. So wa'anau gölö ba fanaha tödö irege mowua."

Halöwö - Halöwö Zinenge Loeka 15:11 Ba faduhu dödöda wa te'orifi ita börö wa'ahakhö dödö Yesu So'aya; si manö göi ira."

Roma 8:13 Börö na auri ami molo'ö amuata wa'aniha, ba mate ami dania; ba hisa na ba kuaso Lowalangi, lö mamalö mibunu gamuatami folau horö andrõ, ba auri ami dania.

Pastor T. John Franklin
Church of Salvation, Healing, and Deliverance
COS-HAD.org